



KODA AWARDS 2025

KODA Awards 2025mi saqqummersitanik eqqummiitsuliortunillu innersuussinissami malittarisassat.

Nersornaasiiffissat naliliisussat innersuussinissamullu piumasaqaatit uppernarsarneqarnissaannut periutsillu ataani nalunaarsukkat ukioq naliliiffik 2025-mut atuupput.

Ulluliunneqartut nersornaasiinissamut aaqqissuussaq ukiumit ukiumut tulluussarneqartuupput.

1. Aaqqissuussaq

1.1. Koda Awards ingerlanneqartarpoq Kalaallit Nunaanni nipilersortartunik nersornaasiisoqarnissaa pillugu.

1.2. 2025mi Koda Awards Nuummi ingerlanneqassaaq ingerlatsiviussalluni Katuaq ulloq 31.januar.

1.3. Koda Awards 2025 aaqqissuunneqarpoq, ataqatigiissaarneqarluni piviusunngortinneqarlunilu siunnersuisooqatigeearfimit (Edvard Lyberth-Mørch) Kodap avataaneersut suleqatit taavalu Kodami sulisut allat ilagalugit. Siunnersuisooqatigiiffiup Koda Awards piviusunngortinneqarnissaa tamakkiisumik akisussaaffigaa Siunnersuisooqatigiiffiup aamma Nersornaasiisoqarnissaa sioqqullugu innersuussilernermi, innersuusseriaatsit taavalu taasinermi periuuserineqartutut atuutsinneqartussanik sinaakkusiisussaalluni. Maleruaqqusat Kodami sananeqarput.

2. Nersornaasiissutaasartut

1. Ukiumut Nersornaat
2. Isumalluarnartumut Nersornaat (Ukioq ataaseq allortarlugu)
3. Ataqqinaammik Nersornaat (Ukioq ataaseq allortarlugu)

2.1. Koda Awardsimi uku 2025 nersornaasiissutaassapput:

1. Ukiumut Nersornaat
2. Ataqqinaammik Nersornaat

3. Jury - Naliliisussat

3.1. Koda Awards immikkoortoq 2mi pineqartunut tunniunneqartarpoq Kalaallit Nunaanni nipilersornikkut pitsaanerpaamik saqqummersitsisimasumut/-sunut imaluunniit suliniuteqarsimasunut. Kikkut eqqumiitsuliortut, saqqummersitat suliniuteqarsimasulluunniit nersornaaserneqassanersut qulequtaritineqartuni (kategoriini) tamani nersorniarneqassanersut innersuussinissamat peruserineqartussaq ataani pineqartooq aallaavigalugu ingerlasassaaq:

3.2. Ukioq 2022 aallarnerfigalugu siunnersuisoqatigiiffik Koda suleqatigalugu naliliisussanik pilersitsisassaq. Naliliisussatut qinikkat ukioq ataasiakkaartumik atuuffeqartassapput. Naliliisussatut qinersiniarnermi Kodap pingaartippaa assigiinngiaaruteqarluartumik ilaasortaartoqarnissaa inuiaqatigiinni sinniisuunissaat suaassutsikkut, ukiumikkut, suminganneerfik siammasissumik sinnerneqarnissaat anguniarlugu. Naliliisussatut ilaasortat qinerneqartassapput nipilersornerup silarsuaani tamakkiisumik isiginnissuseqarsinnaassuseq saqqummertartunut malinnaalluarsimaneq misilittagaqassuserlu pitsaassutsimillu immikkut eqqumaarinnissuseq aallaavigalugu, soorlu aammattaaq qinerneqartassallutik, Kodap qinigaasut namminneq soqutigisatik kisiisa aallaaviginagit sulisinnaassuseqarnissaat upperaa sulinissaq ingerlanneqassasoq.

3.3 Naliliisussat immikkut eqqumiitsuliornikkut nipilersornermullu ilisimasaqassusermik pigisaqareersuussaapput. Naliliisussat pingaarnertut tusarnaarsinnaassuseq aallaavigalugu katitigaavoq immikkut eqqumiitsiortup immiussamini pitsaassuseq saqqummiunniangaa, allallu suliniutit innersuunniakkat qanoq inuiattut oqaluttuarisaanitsinni massakkoq qissaq kalallit nipilersornikkut anersaavannik ineriartornerannullu sunniisinnaassusaat aallaavigalugu.

3.3.1 Naliliisartut aaqqiissugaapput ukunanit inuttalerneqarsimasumit:

- Koda sinnerlugu ilaasortaataq
- Taseralik
- Katuaq
- KNR
- Festivalit sinnerlugit, Nipiaa Rockfestival

3.4. Naliliisartut aalajangernissaminnut ataasiakkaarlutik saqqummersitanit, eqqumiitsuliortunik suliniutaasunillu innersuussisoqartillugu pitsaassuseq aallaavigalugu karakteriliisassapput qulequtarineqartumi piumasaqaataasut aallaavigalugit. Naliliisartut

karakterit tunniussa atallaavigalugu kikkut nersornaasernerqassanersut qulequttani tunniunneqarfiusussani aalajangersorneqassapput.

3.5 Naliliisimasut atii Koda Awardsimit Nersornaasernerqarsimasut suaarutigineqarneri ilutigalugit nalunaarutigineqartassapput.

4. Innersusseriaaseqarnissami piunasaqaatit

4.1.

Ukiunut Nersornaat

Qulequtaq (kategori) 1-mi saqqummersitaq/eqqumiitsuliortoq naliliisartunit naliiffissaapput saqqummersitat piffissami 1.januar 2024 – 15.december 2024 iluani saqqummersinneqarsimasut. Saqqummersitaq/eqqumiitsuliortoq ataasiaannarluni innersuunneqarsinnaavoq.

Isumalluarnartumut Nersornaat

Qulequtaq (kategori) 2-mi uku piunasaqaatit atuupput: Isumalluarnartumut Nersornaammut innersuunneqartassapput kalaallit nipilersornikkut isumalluarnartumik nersornaasernerqarsimasup kingulliup pineraniik ukiut ingerlasimasut aallaavigalugit, piffissamilu pineqartumi immiussilluni/-tik saqqummersitsisimaneq, tusarnaartitsisimaneq, tusarnaartitsisaqattaarluni angalasimanerluunniit aallaavigalugit. 2022mi kingullermik isumalluarnartumik Nersornaat tunniunneqareerata kingorna 2023 ukiup naanissaanut piffissaq nipilersornikkut isumalluarnartoq/-tut naliliiffiussapput. Qulequtaq 2mi innersuunneqartassapput nipilersortartutut nipilersoqatigiittullunniit siullerpaamik malunnaatilimmik maluginiarneqalersimaneq aallaavigalugu

Ataqqinaammik Nersornaat

Qulequtaq (kategori) 3-mi uku atuupput: Ataqqinaammik Nersornaammut innersuussisinnaaneq Naliliisartuniit suliarineqassaaq, Naliliisartut immikkut eqqumiitsuliornerup iluani ukiorpanni nipilersoriaatsit tusarnaartuaannarneqarsinnaanerannilu suliuarsimasut nalileeqataassutissaattut ilaapput. Ataqqinaammik Nersornaasernerqassapput nipilersortartut ataasiakkaat imaluunniit nipilersortartoqatigiit nipilersungassianik saqqummersitsinermikkut kalaallit nipilersoriaasiannik piujuaannartitsinissamik, nikeriartitsinissamik imaluunniit nipilersortartuunermut pissutsinnut atuuttunik apeqqusiinnaassuseqarlutik suliniuteqartuarsimasunut.

4.2. Kalaallit Nunaanni saqqummersitat tassapput nunatsinni immiunneqarlutillu saqqummersinneqarsimasut, nipilersuusiortutut piginneqqaartussaasut Kalaallit Nunaanneersut (nunani tamalaani suliffeqarfiit Kalaallit Nunaanni immikkoortorta qarfigisaat ilanngullugit) saqqummersitsiviit, pisortatigoortumilluunniit kalaaliusutut paasiqarsinnaasut, saqqummersinneqartullu kalaallimik ilaqartut imaluunniit Kalaallit Nunaanni nunaqartuunerusunik ilaqarluni saqqummersitaasut.

Immiussat eqimattanit suliarineqarsimappata eqimattap amerlanersaat kalaaliussapput imaluunniit nunasisuusimassallutik. "Saqqummersitaq" ima paasineqassaaq immiunneqarluni saqqummersitaq Kalaallit Nunaanni niuernikkut digitaaliusumik imaluunniit timalikkamik niuerutigineqarsinnaanngorsimasoq. Qulequttani tamani pineqartuni atuuppoq, Kalaaliusutut paasineqassagaanni taava kalaallit nunaanni innuttaasusariaqarpoq imaluunniit pingaarnertut Kalaallit nunaanni najugaqartuusariaqarluni imaluunniit Kalaallit Nunaanni saqqummersitsisareertuusariaqarluni.

4.3. Qulequtaq 1-imi innersuunneqartut tassaassapput nuussuaq arleriinnik nipilersungassiartalik (minnerpaamik 30 min. missaani sivisussusilik) imaluunniit EP (Extended Play) saqqummersitaassallutik. EP paasineqassaaq fonogramitut minnerpaamik immiussanik immikkuullarissunik sisamanik imalik. Immikkut isiginiarneqarsinnaassapput eqqumiitsuliortut/nipilersortartut ukiup ataatsip iluani single-litut saqqummersitsisimasoq saqqummersitarlu aallaavigalugu nunani allani kalaallit nipilersugassiaannik maluginiarneqalersitsisimassappat imaluunniit ukiumut single-lit arlariit saqqummersissimassappagit ataasimoorussatut nalilerneqarsinnaallutik. Saqqummersitaq remix-iusimaguni (immiuteriingaq nutarteqqillugu/allanngulaarlugu saqqummersitaq) taava saqqummersitatut nutaatut isigineqarsinnaanngilaq.

4.4. Kategori 2 (Isumalluarnartumut Nersornaat) taamaallaat innersuunneqarsinnaavoq eqqumiitsuliortoq/nipilersortartoq imaluunniit nipilersortartoqatigiit aatsaat siullerpaamik saqqummersitseqqaartuusimasut. Eqqumiitsuliortoq/nipilersortartoq innersuunneqarniartoq siornatigut Koda Awardsimut innersuunneqartuusimassanngillat.

4.5. Nipilersortartup nipilersoqatigiilluunniit ataatsip immiussimasaat katiterlugit saqqummerseqqitat ("Greatest Hits", Box-sæt il.il.) innersuunneqarsinnaanngillat.

4.6. Siunnersuisooqatigiit periarfissaqarput nipilersortartut eqqumiitsuliortut suliniutilluunniit soqutiginarluinnartut naliliisartunut nalilersungassatut innersuutissallugit, soorlu aamma allattoqarfiup akisussaaffingaa naliliisussanut suliniuteqarfiit

nipilersortartoqatigiinnermilu sunniuteqarluartut innersuussisinnaassuseqarnerannik paasissutissiissallutik.

5. Uppernarsaaneq naliliinissamullu sulineq

5.1. Kategoriini tamani innersuunneqartut Koda Awardsimi Naliliisussatut qinikkat 4.1.-imi sinaakkusiussat aallaavigalugit ukiumut saqqummersitat, tusarnaartitsinerit, nipilersortartullu tamakkiisumik suliaat aallaavigalugit minnerunngitsumillu nipilersortartup nunatsinni nipilersornerup ineriartorneranut sunniutigisimasaa aallaavigalugu.

5.2. Naliliisussatut ilaasortaataasut tamarmik ukiumi naliliiffiusussami pineqartumi pitsaanerpaatut nalilikkatik tallimat innersuutissavaat, ataatsimoortumillu kisitsineq aallaavigalugu pitsaanerpaat tallimat qinerneqarsimasut Siunnersuisooqatigiiffimmit taasissutigineqartussanngussallutik.

5.3 Siunnersuisooqatigiiffiup innersuussinermi taasinnermilu periusarinerneqartut tamakkiisumik atuutinneqarnerisut malinnaaffigissavai. Naliliinissami nalornissutaasinnaasut pillugit Koda immikkut akissuteqarsinnaasumik sullissisoqassaaq.

6. Nipilersukkanik atuisinnaaneq il.il.

6.1. Nersornaasiinissamut atatillugu paasissutissiiniarnermi soorlu Koda Awards 2025mut atatillugu ammasumik taasisoqassappat il.il. Kodap nammineq imaluunniit Koda Awardsimit suleqatigineqartut aqutugalugit taakku saqqummiisarfiini soorlu webikkut, mobil, podcast, TV allatigulluunniit nipi imaluunniit aalasuliat assitigulluunniit aqutugalugu Koda imminut pisussaatiippoq nipilersuutit innersuunneqarsimasut akeqanngitsumik saqqummiunnissaat anguniarlugu atorsinnaassallugit, immiussami videot saqqummersinneqarsimasut, assit atorneqarsimasut, nipitigulluunniit ussasaarutaasimasut atorsinnaassallugit immikkut saqqummersitsiviit atorneqartut killilersuutaasumik allakkatigut Kodamut nalunaaruteqaqqaarsimanngippata. Saqqummersitalli atorneqarsinnaassanngillat Kodamut imaluunniit Grameximut akiliillutik piginneqqaartuusimanissamik nalunaarsuisimanngitsut.

6.2. Imm. 6.1 taamaallaat atuutissaaq piffissami 1. januar 2025 – 31. december 2025.